

Na osnovu člana 38. tačka 2. i člana 110. stav 1. Statuta općine Gornji Vakuf-Uskoplje ("Službeni glasnik općine Gornji Vakuf-Uskoplje", broj; 1/01 i 3/05) a u vezi sa članom 5. Odluke o općinskim priznanjima ("Službeni glasnik općine Gornji Vakuf-Uskoplje", broj; 6/09) i člana 89. Poslovnika o radu Općinskog vijeća Gornji Vakuf-Uskoplje ("Službeni glasnik općine Gornji Vakuf-Uskoplje", broj; 7/13), Općinsko vijeće Gornji Vakuf-Uskoplje na svojoj 14. redovnoj sjednici održanoj dana 30.08.2018.godine, donijelo je

O D L U K U
o dodjeli općinskih priznanja
za 2018.godinu

Član 1.

Povodom 1. oktobra-Dana općine Gornji Vakuf-Uskoplje dodjeljuju se općinska priznanja za 2018.godinu, kako slijedi:

Povelja sa grbom općine:

- Sedžad Milanović iz Boljkovca, Općina Gornji Vakuf-Uskoplje, za izuzetan doprinos u oblasti obnove i razvoja infrastrukture na području općine Gornji Vakuf-Uskoplje;
- Mažoret klub „Uskopljanke“ Gornji Vakuf-Uskoplje za izuzetan doprinos u oblasti sporta i kulture na području Općine Gornji Vakuf-Uskoplje.

Zahvalnica sa grbom općine:

- Petar Kolak, rođen u Donjoj Ričici, Općina Gornji Vakuf-Uskoplje, sjemeništarač Nadbiskupijskog sjemeništa „Petar Barbarić“, za poseban doprinos u oblasti duhovnosti i kulture te afirmaciji Općine Gornji Vakuf-Uskoplje i Bosne i Hercegovine;
- Osnovna škola „Pajić Polje“ Gornji Vakuf-Uskoplje, za poseban doprinos u oblasti obrazovanja na području Općine Gornji Vakuf-Uskoplje.

Član 2.

Uručivanje priznanja izvršit će se na svečanoj sjednici Općinskog vijeća koja će biti upriličena povodom obilježavanja Dana općine Gornji Vakuf-Uskoplje.

Član 3.

Ova odluka stupa na snagu osmog dana od dana objavljivanja u «Službenom glasniku općine Gornji Vakuf-Uskoplje».

Broj: 01-05-___/18
Gornji Vakuf-Uskoplje,
31.08.2018.god.

Predsjednik
Općinskog vijeća
Goran Batinić, mag.nov.

Obrazloženje

Komisija za izbor i imenovanje je, shodno Odluci o općinskim priznanjima raspisala dana 01.07.2018.godine Javni poziv za dostavljanje prijedloga za dodjelu općinskih priznanja, koji je bio otvoren 30 dana.

Općinsko vijeće Gornji Vakuf-Uskoplje ovlastilo je Komisiju za izbor i imenovanje za provođenje postupka raspisivanja i utvrđivanja prijedloga za dodjelu Općinskih priznanja članom 5. Odluke o općinskim priznanjima («Službeni glasnik općine Gornji Vakuf-Uskoplje». br. 6/09) koji glasi;

«Općinsko vijeće Gornji Vakuf-Uskoplje, putem Komisije za izbor i imenovanje, upućuje javni poziv za podnošenje prijedloga za dodjelu priznanja, a krajnji rok za podnošenje prijedloga je 30 dana prije održavanja svečane sjednice Općinskog vijeća.»

Na raspisani Javni poziv za dodjelu općinskih priznanja za 2018.godinu prijedloge su podnijeli:

- OO SDA Gornji Vakuf, Gornji Vakuf-Uskoplje predložila je Sedžada Milanovića iz Boljkovca, Općina Gornji Vakuf-Uskoplje za dodjelu priznanja „Povelja sa grbom općine“, za izuzetan doprinos u obnovi i razvoju infrastrukture na području Općine Gornji Vkauf-Uskoplje ;
- OO HDZ BiH Uskoplje, Gornji Vakuf-Uskoplje, predložila je Mažoret klub „Uskopljanke za dodjelu priznanja „Povelja s grbom Općine Gornji Vakuf-Uskoplje ” i Petra Kolaka za dodjelu općinskog priznanja „Zahvalnica s grbom općine“;
- OO SDP BiH Gornji Vakuf-Uskoplje, predložila je Adila Ramičića za dodjelu priznanja „Povelja s grbom Općine Gornji Vakuf-Uskoplje ” i Rudnik kvarcita „Smrčevice” Gornji Vakuf-Uskoplje za dodjelu općinskog priznanja „Zahvalnica s grbom općine“;
- Karate klub „SLOGA” Gornji Vakuf-Uskoplje predložio je OŠ „Pajić Polje” Gornji Vakuf-Uskoplje za dodjelu općinskog priznanja „Povelja sa grbom općine Gornji Vakuf-Uskoplje;

Komisija za izbor i imenovanje na svojoj 9. sjednici održanoj dana 17.08.2018.godine razmotrila je sve pristigle prijedloge, te uvažavajući propisane kriterije i dostavljena obrazloženja uz prijedloge predlagača i nakon provedene rasprave zaključila je:

- Da nema dovoljno elemenata za dodjelu predloženog općinskog priznanja „Povelja s grbom Općine Gornji Vakuf-Uskoplje” Adilu Ramčiću Latiću iz Gornjeg Vakufa-Uskoplja i „Zahvalnica s grbom Općine Gornji Vakuf-Uskoplje” Rudniku kvarcita „SMRČEVICE” Gornji Vakuf-Uskoplje, uvažavajući aktivnosti navedene u prijedlogu za dodjelu priznanja;
- Da ima dovoljno elemenata za dodjelu općinskog priznanja „Povelja s grbom općine” Sedžadu Milanoviću iz Boljkovca, Općina Gornji Vakuf-Uskoplje, za izuzetan doprinos u oblasti obnove i razvoja infrastrukture na području Općine Gornji Vakuf-Uskoplje i Mažeret klub „Uskopljanke” Gornji Vakuf-Uskoplje, za izuzetan doprinos u oblasti sporta i kulture na području Općine Gornji Vakuf-Uskoplje, te za dodjelu općinskog priznanja „Zahvalnica s grbom Općine Gornji Vakuf-Uskoplje” Petru Kolak, rođen u Donjoj Ručici, Općina Gornji Vakuf-Uskoplje, sjemeništarc Nadbiskupijskog sjemeništa „Petar Barbarić”, za poseban doprinos u oblasti duhovnosti i kulture te afirmaciji Općine Gornji Vakuf-Uskoplje i Bosne i Hercegovine i OŠ „Pajić Polje” Gornji Vakuf-Uskoplje za poseban doprinos u oblasti obrazovanja na području Općine Gornji Vakuf-Uskoplje, uvažavajući aktivnosti imenovanih navedene u prijedlogu za dodjelu priznanja.

Zbog svega navedenog Komisija je odlučila da predloži Općinskom vijeću Gornji Vakuf-Uskoplje da dodjeli općinska priznanja za 2018.godinu kao je navedeno u članu 1. Ove Odluke.